

Grado Doctoral pa Sr. Wim Rutgers

ORANJESTAD - Re-cientemente Sr. Wim Rutgers a obtené grado di doctor na Universidad di Utrecht.

Cu su disertacion "Schrijven is zilver, spreken is goud" - Oratuur, auratuur en literatuur van Nederlandse Antillen en Aruba Sr. Rutgers a ser promové pa ta exacto dia 28 di Januari na Universidad di Utrecht.

Wim Rutgers no ta un persona desconocí na Aruba, pasobra desde 1975 el a bin traha na Aruba na Colegio Arubano. Desde Augustus 1993 e ta docente di idioma Hulandes na Instituto Pedagógico Arubano.

For di basta tempo cu Wim a bin traha den e region di Caribe, el a demostrá un interes grandi pa literatura Caribense, specialmente pa e literatura di Suriname, Antiyas Hulandes y Aruba.

E interes ey no tabata solamente pa e productonan literario na idioma Hulandes, pero tambe pa Papiamentu, Ingles y Spañó.

E ta un colaborador fihó di Amigoe: un cantidad grandi artículo di Wim a sali pública den ÑAPA. Alavez

Wim tin seis buki publicá, di cual cinco na e cas editorial Arubiano Charuba, loke ta un record den Charuba, awor por añañá cu e tin su di shete buki.

E promocion di Sr. Wim Rutgers ta prueba di un gran perseverancia. Mas of menos seis aña y mei pasá el a dicidí di profundisá su mes den e materia di investigacion literario y a bai Hulanda pa busca su doctoraal.

Den menos cu cuater aña,

cu ta e mínimo pa logra un promocion, Wim a finalizá su investigacion y a promove pa e grado universitario di mas halto cu un obra maestro, un obra den cua tur interesado por haña tur informacion cu e mester.

IPA ta orguyoso di por traha cu un colega manera Wim y ta deseá Wim hopi éxito y energía pa sigui cu e trabao importante aki di investigacion. □